

REGLUR

um heimild til hækkunar umönnunargreiðslna skv. 1. mgr. 4. gr. laga nr. 118/1993 um félagslega aðstoð.

1. gr.

Umönnunargreiðslur skulu nema 25–100% af samanlagðri fjárhæð örorkulífeyris, tekjutryggingar, heimilisuppbótar og sérstakrar heimilisuppbótar.

2. gr.

Þegar sérstaklega stendur á er Tryggingastofnun ríkisins heimilt að hækka umönnunargreiðslur um allt að 25%. Tryggingalæknir metur þörf samkvæmt þessu ákvæði.

3. gr.

Ákvæði 2. gr. skal einkum beitt þegar um er að ræða dauðvona börn. Þá er heimilt að beita ákvæðinu þegar fötluð og/eða lífshættulega veik börn gangast undir erfðar aðgerðir eða meðferð og þurfa þess vegna að dvelja langdvölum á sjúkrahúsi með foreldrum sínum fjarri heimili.

4. gr.

Reglur þessar eru settar af tryggingaráði með stoð í 4. gr. laga nr. 118/1993 um félagslega aðstoð ásamt síðari breytingum og taka þegar gildi.

Tryggingastofnun ríkisins, 7. apríl 2000.

Bolli Héðinsson.

Karl Steinar Guðnason.

14. apríl 2000

Nr. 264

GJALDSKRÁ

fyrir þjónustu er Rannsóknastofnun landbúnaðarins annast.

1. gr.

Gjald Rannsóknastofnunar landbúnaðarins fyrir útselda vinnu skal vera sem hér segir:

	kr./klst.
1. Rannsóknamaður	3.091
2. Sérfræðingur I	4.076
3. Sérfræðingur II	5.271
4. Sérfræðingur III	6.351

2. gr.

Stofnunin áskilur sér rétt til að leggja á aukagjald sé óskað forgangs þannig að nauðsynleg sé vinna utan dagvinnutíma.

3. gr.

Stofnuninni er heimilt að veita afslátt af útseldri þjónustu.

4. gr.

Gjaldskrá þessi er sett samkvæmt lögum nr. 64, 21. maí 1965, um rannsóknir í þágu atvinnuveganna og öðlast þegar gildi. Jafnframt er felld úr gildi gjaldskrá fyrir þjónustu er Rannsóknastofnun landbúnaðarins annast nr. 126 19. febrúar 1999.

Landbúnaðarráðuneytinu, 14. apríl 2000.

Guðni Ágústsson.

Sigríður Norðmann.

AUGLÝSING

um deiliskipulag í Hraungerðishreppi.

Deiliskipulag iðnaðarsvæðis úr landi Hraungerðis var samþykkt á fundi hreppsnefndar Hraungerðishrepps þann 16. janúar 1996.

Skipulagsstofnun hefur yfirfarið málgögnin og telur að reglum og venjum um málsmeðferð deiliskipulags sbr. gr. 4.4 í skipulagsreglugerð nr. 318/1985 hafi verið fullnægt. Auglýsingin öðlast þegar gildi.

Þingborg, 31. mars 2000.

Guðmundur Stefánsson oddviti.

AUGLÝSING

frá ríkisskattstjóra nr. 10/2000 um framtalsfresti og álagningu samkvæmt lögum um tekjuskatt og eignarskatt 2000.

Með vísan til 118. gr. laga nr. 75/1981, um tekjuskatt og eignarskatt, hefur ríkisskattstjóri ákveðið að breyta framtalsfresti lögaðila og tímamarki því sem skattstjórum er sett, sbr. 93. og 98. gr. sömu laga, til að ljúka álagningu á skattaðila vegna tekna á árinu 1999 og eigna í lok þess árs og semja og leggja fram álagningarskrár sem hér segir:

Framtalsskyldir lögaðilar skulu skila framtali til skattstjóra eigi síðar en 30. júní 2000. Álagningu tekjuskatts og eignarskatts á einstaklinga skal lokið eigi síðar en 31. júlí 2000.

Álagningu tekjuskatts og eignarskatts á lögaðila skal lokið eigi síðar en 27. október 2000.

Álagningu tryggingagjalds skal lokið eigi síðar en 27. október 2000.

Reykjavík, 10. apríl 2000.

Indriði H. Þorláksson ríkisskattstjóri.